

جریدہ علیہ

مشیتِ جلیلہ اسلامیکہ جریده رسمیه میر

غره رمضان المبارک سنہ ۱۳۳۸

پنجنی سنہ

اون بش کونده بر نشر اولنور

عدد ۶۰

امربالمعروف نهی عن المنکر لزوم اجتماعی

عند الوهیتده مظهر قدر و شرف اولان جمعه کونلری بین المسلمین ایام مشهورده و مبارکه دن عد اولنمش و تا زمان سعادتدن بو آنه قدر اهل اسلام بو کونلرده اجتماع ایله صلاة جمعه یی بعدالادا دنیوی و اخروی بیلنمسی اقتضا ایدن اموره دائر یکدیگر لرینه توصیه و تنبیه ایتمک و خصوصات فردیه و جمعیه لرینه تعلق ایدن تنویرات و ایضا حاتی و یرمک اعتیادی التزام ایتمش لدر .

بو کونلرده مسلمانلر بر لرینی بولورلر ، کورورلر . بولوب ، کورده مدکرینی صورار ، ارشیدر لرلر . بو بر عادت مستحسنه اسلامیه دندر .

اهل اسلام بویه مهم کونلر ندره مراقبه احوال و جریان اعمال و مساعیلر ندره شرعه و عقله موافق اولان و اولیانلری بر لرینه سویه مکله امربالمعروف نهی عن المنکر و تواصی وظيفه منصوصه مهمه سنی یرینه کتیر لرلر که بو وظيفه فی الحقیقه دین اسلامده انحلال و اضمحلال تهلکهنه قارشو عظیم بر موقع مدافعه طوتمشدر . شعائر دین ، محاسن مسلمین بو مراقبه عمومیه ایله محفوظ قالیر . و آئیده تفصیل ایده جک نصوص قرآنیه و احادیث نبویه بو مراقبه و امر بالمعروفک اجتماعی درجه لزومی بیان و تثبیت ایدر . سویه که ، (والعصران الانسان لفی خسر) الذين امنوا و عملوا الصالحات و تواصوا بالحق و تواصوا بالصبر) سورة جليله سنده جناب واجب الوجود بیور بیور که : حیرت افزای عقول پک چوق تحولات و انقلاباته تجلیگاه اولان عصره ، دهره ، زمانه قسم و یمین ایدر مکله انسانلر محقق خسران و ضلال ایچنده درلر . آنجق ایمان و اعمال صالحه ایله بنای استلامی قورمش و منافع و مضارنه عائد و صایای لازمه یی یا بمقله تقویه اساس ایتمش اولانلر ریخ و تجارت ایتمش و جای سلامتی بولمشدر .

بوراده کی تواصیدن (کتم خیراته اخرجت للناس) تأمرون بالمعروف و تنهون عن المنکر) آیه جلیله سیله دهها بر چوق آیات جلیله ده امربالمعروف نهی عن المنکر تعیر بیورلش و امت محمد علیه السلام ایچون موجب امتیاز بر خصلت عالیه کوسترلمشدر . آیه جلیله ده باقیکنز ، نه بیوریلور : انسانیتله کسب شرف موجودیت ایتمش و امت و ملت لک منافع و فوائد متقابله سنی تأمین ایده جک اسباب و عواملی جامع امت سزسیکنز ؛ چونکه آرده کزده معقول و مشروع و انتظام امور کنندینه مودوع لوازمک اکمال و محاذیرک محو و ابطالی چاره لرینه چالیشان ملت و جماعت

سنزسیکز؛ بووظیفه سزده اولدجه طرق مناسبه ووجوه ملائمه سیله تلافی مافات ایدوب شکل موجودیتکزی محافظه ایدرسیکز . . دیمک اولیور که امت محمدعلیه السلام ایچین باعث تعالی وسبب ترقی ایمان بالله دن صکره بویه جلیله ده تخصیص بالذکر ایدیلرک اهمیته آنان امر بالمعروف نهی عن المنکر لازمه عالیه سیدر . بوعالی وظیفه نظراهماه آلمش ومفسرین عظام حضراتی ده بواهمیته دائر ایضا حاتدن هیچ کیری قالماملردر .

نزامت ناجیه نك سعادتی نه کافل کوستریلن بووظیفه یی ایفاده کی تمهیر آتمز وقوعه کن تدنیات خلقیه واجتماعیه مزه سببیت ویرمشدر . یوقسه شرع متین ودین قویمز شرائط اساسیه مزه تعلق ایدن هیچ بر لازمه یی امر وبیانده تأخر ایتدیکی وبلکه بو خصوصاتی پك زیاده اهمکار بر صورتده بیان وتوضیحه بولندیکی ارباب علم ووقوفه آشکاردر .

بو حالده هر مسلم وظیفه مودوعه یی اولان امر بالمعروف نهی عن المنکر غرض وعوضدن عاری ، صافیانه ایفایه مسارعت ایدرسه دین ودنیاسنده بیوک استفاده ایده جکنده شبهه ایدلنز .

وینه (وتعاونوا علی البر والتقوی ولا تعاونوا علی الاثم والعدوان) نظم جلیلنده کی امر ونهی قطب دائره انسانیت اولان امر بالمعروف نهی عن المنکر خصوص اهمه دلیل قوی اولمز می ؟ اوت، امر بالمعروف نهی عن المنکر هیئت اسلامیه یی دوچار انحلال ایده جک اسبابه قارشى مجادله ایتدیکی جهتله اولویت واضحه ایله امر تعاونده اندراج ایدر . انسانك اقتضای مدنیق مظهر ترقیات ومنشأ معالیات اوله رق صفحات حیاتیه سنی اکمال ایتش بولمنسی اخص معالی حکمت الیه دن اولمغله انسانك سیئات اخلاقیه واجتماعیه سی نتیجه سی اوله رق اوغرایه بیله جکی افتراق آلام وفجایعنه مدافعه سنی تثبیت وتقریر صد دنده وجیه اطاعتی تعهد ایدن مسلمانلر تربیه عوالمده عین اصابت ، عین حکمت اولان بر وظیفه تحمیل نیوریلور . ونظم جلیل مذکورده بوجهته عائد اولارق جمعیت ممتازه انسانیه آره سنده بربریکزه برواحسانه معاون وظلم وعدواندن مجانب اولیکز امر ونهی ارشاد سیله موجبات فرقت ونفرت عواملنك دفع وازاله سنه چاره کوستریلور . نه مهم دوا، نه عظیم شفا .

فی الحقیقه مدنیت انسانیه اقتضای طبعی سنه مزاحم ومعارض اولان انسانده موجود قوای سییه اخلاقیه طولانی سیله وقوعه کن مهاجمات ومدافعات انسانلری رأسا کندی نفع وضرری

و کندیلرینه خیر محضلرینی تبیین و تبلیغه مأمور و اعزام ایدیلن ذوات مقدسه یه، انبیاء عظامه قارشو کلمکه و اود ذوات مقدسه نك طرف الیه دن کتیر دکری اوامرو نواهی ی قبولدن استسکاف ایتمکه سوق ایتمش و بوسبيله محکوم خجایع قلمشدر . .

دین توحیده صاریلن جماعت مسلمین قوت وحدت و رصانت اس حرکتلرینی حفظ و صیانت ایچن هر حالده فردی و عائله وی مساوی اخلاق مبادی مضره مندن توقی و اجتنابه پك زیاده اهتمام ایتلیدر . منشأی ظلم ، هوا و نفس ، غرض ، عوض ، اولان اختلاف و افتراق لر مذموم و مقدوحدر .

بوصورتله اولان اختلافك مذمتی جناب حقك شوایه جلیله ده کی بیانندن استدلال اولنور . (ان الدین عندالله الاسلام و ماختلف الذين اتوا الكتاب الامن بعد) عندالله مقبول دین ، دین توحید ، دین اسلامدر . بومحققدر . کتب مقدسه نك بیاناتیده بوحقیقت اوزرینه اولدیغنه علم و وقوف ایدیلن کسه لر محضاً مقتضیات نفسانیله ری نتیجه سی اولارق یعنی عدوان طریقله سمت مخالفته توجه ایتدیلر . بونلرك مخالفتلری حائر قبول دکل ، بلکه بیلوب آکلادقند نصکره اولان اختلاف آنجق غناد و ترمردروشنیدر .

کتاب و سنتك تعیین ایلدیکی درجه ده اوامر شرعه و ایجابات دینه سرفرو و بوجبل متین سلامته تمسك و سیرت و صورتلری و نیت و همتلری دیندارانه اولمغله حسیض نفاقدن قورتلش ذروه و وفاقه یو کسلمش ذوات معالی سمانه التحاق ایدوب (و کونوا مع الصادقین) امر الیه یسنه انقیاد اتمك فرض اولدیغنده شبه اولماز .

استطراداً شونیده سویله یه یلر زک اصول دین و اساسات اعتقادیه ده کی اختلاف و تفرقه بروجهله منتج لطف و سعه دکل بلکه نتیجه ذل هوا اولدیغندن انسانیتدن بکلن عبودیتی برهوا ایتمی طولایسیله موقع قبولی حائر دکلدر . آنجق ساحة احکام و فروعی توسیع ایله حاصل اولاجق سهولت و فسحت البته سبب رحمت امت اولاجغندن ارباب اجتهادك بو مقصد اوزرینه تشکیل ایتدکری اختلاف بین المسلمین قبول کورمش و (اختلاف امتی و رحمة) حکم منیفیلده بوقیل اختلافات تبیین و تثبیت بیورلمشدر .

ایاشی زاده

مابعدی وار

مصطفی رفیق